

NACRT

ZAKON

O IZMJENAMA I DOPUNAMA ZAKONA O FISKALNIM SISTEMIMA

Brčko, septembar 2017

Na osnovu člana 22. Statuta Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj: 2/10), Skupština Brčko distrikta Bosne i Hercegovine, na _____ sjednici održanoj dana _____, usvaja

ZAKON

O IZMJENAMA I DOPUNAMA ZAKONA O FISKALNIM SISTEMIMA

Član 1

U Zakonu o fiskalnim sistemima („Službeni glasnik Brčko distrikta BiH“, broj: 22/16), u članu 3 stavu (2) dodaje se nova tačka b) koja glasi:

„ b) „elektronski žurnal“ je poseban modul unutar fiskalnog sistema u kojeg se spremaju kopije svih štampanih fiskalnih i nefiskalnih dokumenata, redom kako su štampani.“

Dosadašnje tačke b),c),d),e),f),g),h),i),j),k),l) i m) postaju tačke c), d),e),f),g),h) i),j),k),l),m) i n).

U dosadašnjoj tački c) ovog stava, koja postaje tačka d) , riječi: „ uz istovremeno štampanje na kontrolnoj traci“ zamjenjuju se riječima: „uz istovremeni upis u elektronski žurnal“ .

Član 2

U članu 4 stavovi (5) i (6) mijenjaju se i glase:

„(5) Komisija, uz saglasnost direktora Direkcije, u svom radu može angažovati i druga lica zaposlena u Vladi i drugim organima, kao i druga fizička i pravna lica koji nisu članovi komisije, a čije je ekspertsko znanje i radno iskustvo neophodno za razmatranje i rješavanje stručnih pitanja koje razmatra Komisija.

(6) Komisija za svoj rad ima pravo na naknadu, koju utvrđuje Vlada na prijedlog direktora Direkcije.“

Član 3

U članu 6 stavu (1), tačke r) i s) mijenjaju se i glase:

„r) djelatnost javnih zdravstvenih ustanova;

s) djelatnost lica koji vrše rehabilitaciju osoba sa invaliditetom i registrovanu djelatnost obavljaju zapošljavanjem najmanje 50% (pedeset posto) lica sa invaliditetom čiji stepen invalidnosti iznosi najmanje 50% (pedeset posto)“

Iza tačke t) ovog stava dodaju se nove tačke u), v) i w) koje glase:

„u) djelatnost Komisije za vrijednosne papire;

v) prodaja na tržnicama na malo, tj. pijacama, koja se obavlja izvan trgovačkih radnji;

w) prodaja na štandovima i stolovima izvan tržnice.“

Član 4

U članu 16 stav (1) tačka f) iza riječi: „operativnu memoriju“, dodati zarez „(,)“ i riječi: „ i elektronski žurnal“.

Član 5

U članu 17 stavu (1) iza tačke i) interpunkcijski znak tačka: „(.)“ zamjenjuje se interpunkcijskim znakom tačka-zarez: „(;)“ i dodaje se nova tačka j) koja glasi:

„j) omogućiti očitavanje sadržaja elektronskog žurnala.“

Član 6

Član 20 mijenja se i glasi:

„Član 20.

(Štampanje fiskalnih dokumenata)

Obaveza štampanja fiskalnih dokumenata putem fiskalnog sistema mora:

- a) osigurati štampanje fiskalnih dokumenata na jednom od službenih jezika u Bosni i Hercegovini;
- b) osigurati istovremeno štampanje identičnih fiskalnih dokumenata u po jednom primjerku na papirnoj traci za isječke i istovremenim unosom identičnog sadržaja u elektronski žurnal;
- c) osigurati štampanje podataka u svakom pojedinačno evidentiranom prometu na isječku fiskalnog računa i istovremenim unosom identičnog sadržaja u elektronski žurnal fiskalnog uređaja, odnosno fiskalne kase;
- d) osigurati štampanje podataka o svakom pojedinačno storniranom evidentiranom prometu na isječku fiskalnog računa i istovremenim unosom identičnog sadržaja u elektronski žurnal fiskalnog uređaja, odnosno fiskalne kase;
- e) osigurati štampanje podataka o svakom pojedinačnom reklamiranom prometu na isječku reklamiranog računa i istovremenim unosom identičnog sadržaja u elektronski žurnal fiskalnog uređaja, odnosno fiskalne kase;
- f) osigurati štampanje podataka o svakom pojedinačnom storniranom reklamiranom prometu na isječku reklamiranog računa i istovremenim unosom identičnog sadržaja u elektronski žurnal fiskalnog uređaja, odnosno fiskalne kase;
- g) onemogućiti štampanje fiskalnih dokumenata prije fiskalizacije;
- h) omogućiti štampanje fiskalnog loga isključivo na fiskalnim dokumentima;
- i) onemogućiti štampanje nefiskalnih dokumenata koji sadrže ključne riječi i vrijednosti prometa iz fiskalnih dokumenata;
- j) onemogućiti štampanje nefiskalnih dokumenata koji sadrže simbole koji su isti ili slični fiskalnom logu;
- k) osigurati štampanje baze artikala fiskalnog uređaja, odnosno fiskalne kase;
- l) osigurati da se svaka započeta operacija i operacija koja je prekinuta usljed neispravnosti štampača, poslije popravke štampača nastavi;

- m) osigurati da se svaka započeta operacija koja je prekinuta usljed prekida napajanja, po uspostavljanju napajanja nastavi.“

Član 7

Iza člana 23 dodaje se novi član 23a koji glasi:

„Član 23a

(Elektronski žurnal)

- (1) Elektronski žurnal se realizuje kao poseban modul koji uključuje memoriju nezavisnu od napajanja.
- (2) Modul mora da sadrži mikrokontroler koji onemogućava da podaci jednom upisani u žurnal budu obrisani ili promjenjeni.
- (3) Svako upisivanje u žurnal prati automatska provjera ispravnosti upisa.
- (4) Fiskalni uređaj treba da onemogući dalje registrovanje prometa ukoliko se utvrdi neispravnost upisa.
- (5) Kapacitet žurnala mora da bude najmanje 1 GB i u njega se smještaju:
 - a) kopije svih fiskalnih dokumenata i kopije duplikata fiskalnih dokumenata sa digitalnim potpisom prema standardnom MD5 algoritmu redom kako su štampani;
 - b) kopije svih nefiskalnih dokumenata redom kako su štampani.
- (6) Fiskalni uređaj mora da:
 - a) izvrši upisivanje JIB, koji se sastoji od 13 cifara i IBFM iz fiskalnog modula prilikom inicijalizacije elektronskog žurnala sa IBFM;
 - b) onemogući štampanje kada upis u elektronski žurnal nije ispravan ili nije moguć ili podaci o JIB i IBFM nisu identični podacima upisanim u fiskalnu memoriju;
 - c) zaključi fiskalni račun ili reklamirani fiskalni račun sa tekućim iznosom kada u toku štampanja računa dođe do popunjavanja kapaciteta elektronskog žurnala na manje od 300 preostalih linija teksta;
 - d) onemogući štampanje svih digitalnih dokumenata osim dnevnog, periodičnog izvještaja i potvrde o uspješnom slanju podataka preko terminala kada broj preostalih linija za upis u elektronski žurnal postane manji od 300;
 - e) omogući očitavanje sadržaja elektronskog žurnala u računalo preko odgovarajućeg porta ili terminala ugrađenog u kućište fiskalnog uređaja;
 - f) onemogući zamjenu žurnala novim, bez skidanja servisne plombe.“

Član 8

Član 37 mijenja se i glasi:

„Član 37

(Funkcionalne karakteristike sofvera)

Softver za fiskalni sistem mora najmanje:

- a) osigurati kasiru vizuelno praćenje evidentiranja, storniranja i reklamiranja prometa na monitoru nadređenog računara;
- b) osigurati identičnost, odnosno sinhronizaciju baze artikala u fiskalnom uređaju, odnosno fiskalnoj kasi sa bazom artikala u nadređenom računaru;
- c) omogućiti istovremeno štampanje identičnih fiskalnih dokumenata u po jednom primjerku na papirnoj traci za isječke i istovremenim unosom identičnog sadržaja u elektronski žurnal fiskalnog uređaja, odnosno fiskalne kase;
- d) osigurati štampanje svakog pojedinačno evidentiranog prometa na isječku fiskalnog računa i u elektronskom žurnalu fiskalnog uređaja, odnosno fiskalne kase;
- e) osigurati štampanje svakog pojedinačno storniranog evidentiranog prometa na isječku fiskalnog računa i u elektronskom žurnalu fiskalnog uređaja, odnosno fiskalne kase;
- f) osigurati štampanje svakog pojedinačno reklamiranog prometa na isječku reklamiranog računa i u elektronskom žurnalu fiskalnog uređaja, odnosno fiskalne kase;
- g) osigurati štampanje svakog pojedinačno storniranog reklamiranog prometa na isječku reklamiranog računa i u elektronskom žurnalu fiskalnog uređaja, odnosno fiskalne kase;
- h) onemogućiti štampanje nefiskalnih dokumenata koji sadrže ključne riječi i vrijednosti prometa iz fiskalnih dokumenata na nefiskalnom štampaču, odnosno nefiskalizovanom ili fiskalizovanom fiskalnom uređaju;
- i) onemogućiti štampanje nefiskalnih dokumenata koji sadrže simbole koji liče na fiskalni logo na nefiskalnom štampaču, odnosno nefiskalizovanom ili fiskalizovanom fiskalnom uređaju, odnosno fiskalnoj kasi;
- j) osigurati štampanje baze artikala fiskalnog uređaja, odnosno fiskalne kase;
- k) onemogućiti dalje registrovanje prometa pomoću nadređenog računara u odsustvu bilo papirne trake sa isječcima, bilo elektronskog žurnala u fiskalnom uređaju, odnosno fiskalnoj kasi; i
- l) onemogućiti dalje registrovanje prometa pomoću nadređenog računara u slučaju neispravnosti fiskalnog uređaja, odnosno fiskalne kase.”

Član 9

U članu 61 stavovi (1) i (5) se brišu.

Dosadašnji stavovi (2), (3) i (4) postaju stavovi (1), (2) i (3).

Član 10

U članu 83 stav (1) se briše.

Dosadašnji stavovi (2), (3), (4) i (5) postaju stavovi (1), (2), (3) i (4).

Član 11

U članu 94 stav (15) se briše.

Dosadašnji stavovi (16), (17), (18), (19), (20), (21), (22), (23), (24), (25), (26), (27), (28), (29), (30), (31) i (32) postaju (15), (16), (17), (18), (19), (20), (21), (22), (23), (24), (25), (26), (27), (28), (29), (30) i (31).

Član 12

U članu 99. stav (2) tačka b) mijenja se i glasi:

„b) sadržaj evidencije rješenja o fiskalizaciji; sadržaj zahtjeva za inicijalnu fiskalizaciju; sadržaj zapisnika o uništavanju fiskalnog modula; sadržaj zahtjeva za zamjenu fiskalnog modula; sadržaj zahtjeva za naknadnu fiskalizaciju usljed servisiranja; sadržaj zahtjeva za promjenu lokacije prodajnog mjesta; sadržaj zahtjeva za brisanje obveznika iz registra fiskalizovanih fiskalnih sistema zbog prestanka obavljanja djelatnosti obveznika; sadržaj pisanog fiskalnog računa i način njegovog izdavanja; sadržaj pisanog reklamiranog računa i način njegovog izdavanja; izgled i sadržaj obavještenja; sadržaj i vođenje dnevnih izvještaja; izgled sadržaj i način vođenja dosijea i servisna knjižica fiskalnog uređaja, fiskalne kase, odnosno dijelova fiskalnog sistema; sadržaj evidencije o ovlaštenim servisima i serviserima i način označavanja, izgled i sadržaj oznake PU;“

Tačke c), d), e), f), g), h), i), j), k), l), m), n) i o) se brišu.

Dosadašnja tačka p) postaje tačka c)

Član 13

U članu 100. stav (1) tačka r) se briše.

Dosadašnje tačke s), t), u), v), w), x), y), z), aa), bb), cc), dd), ee), ff) postaju tačke tačke r), s), t), u), v), w), x), y), z), aa), bb), cc), dd) i ee).

Tačka gg), ovog stava se briše.

Dosadašnje tačke hh), ii), jj), kk), ll) i mm) postaju tačke ff), gg), hh), ii), jj), i kk).

Član 14

U članu 104. stav (2) iza riječi: „Pravilnikom“ dodaju se riječi: „iz člana 99. stav (2) tačka b)“

Član 15

U članu 108. riječi: „a primjenjivat će se od dana početka primjene provedbenih propisa (pravilnika) iz člana 99 ovog zakona, a najprije od 1. 1. 2018. godine“ se brišu .

Član 16

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: _____

PREDSJEDNIK SKUPŠTINE:

Brčko, _____

Esed Kadrić